

Ժողովուրդ

68
(2918)

22 մայիսի չորեքշաբթի 2024
տպագրության ԺԳ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՈՍՏԻԿԱՆԱԿԱՆ ԱՊՕՐԻՆՈՒԹՅՈՒՆՆԵՐ՝ ՊԱՏԳԱՄԱՎՈՐԻ ՆԿԱՏՄԱՄԲ



«Ժողովուրդ» օրաթերթի տեղեկությունների համաձայն՝ ՀՀ քննչական կոմիտեն հարցաքննության է հրավիրել «Հայաստան» խմբակցության պատգամավոր Արթուր Խաչատրյանին, սակայն վերջինս չի ներկայացել քննչական կոմիտե՝ նշելով, որ ծանրաբեռնված է ու չի կարող ներկայանալ:


Նշենք, որ ՀՀ քննչական կոմիտեն քրեական գործ է հարուցել «Հայաստան» խմբակցության պատգամավոր Արթուր Խաչատրյանին բռնության ենթարկելու դեպքով:

Տեղեկացնենք, որ Գլխավոր դատախազությանը հանցագործության մասին հաղորդում էր ներկայացրել Արթուր Խաչատրյանը եւ հայտնել. «Ինչպես հավանաբար տեղյակ եք, ուրբաթ օրը՝ ապրիլի 27-ին, Երեւան-Սեւան մայրուղու Հրազդանի հատվածից մի խումբ ոստիկաններ, առանց որեւէ օրինական պահանջ ներկայացնելու, թեժացնելով եւ սադրելով լարված իրավիճակը՝ իմ նկատմամբ բռնություն են կիրառել, ապօրինաբար զրկել են ազատությունից եւ ոստիկանական մեքենայով, չորս ոստիկանի ուղեկցությամբ տեղափոխել են Կոտայքի մարզի Հրազդանի ոստիկանական բաժանմունք: Հրաման տվողն ու քաջքռուկ իրահորդը ՀՀ ոստիկանության Կոտայքի մարզային վարչության պետ Ռուբեն Դավթյանն էր:

Վստահ եմ, որ հատկապես Ռ. Դավթյանը քաջատեղյակ էր, որ ես ԱԺ պատգամավոր եմ: Ի դեպ, Դավթյանը քաղաքացիական հագուստով էր եւ չէր ներկայացել: Ծանապարհին ես իմ զարմանքն ու ընդվզումն էի արտահայտում, հատկապես պայմանավորված այն հանգամանքով, որ իրենք իրավունք չունեն ԱԺ պատգամավորին ազատությունից զրկելու եւ բերման ենթարկելու, սակայն ինձ չէին արձագանքում: Արդեն բաժանմունքում ինձ տեղեկացրին, որ ես բերման չեմ ենթարկվել: Խոսքերն ավելորդ են:

Այն, ինչ տեղի ունեցավ ուրբաթ օրը, «ոստիկանապետության» ամենացցուն դրսևորումն էր: Փաստորեն, Հայաստանում ոստիկանն իրեն օրենքից վեր է դասում, իրեն իրավունք է տալիս՝ խախտելու երկրի Սահմանադրությունը: Հույս ունեմ, որ հանցագործությունն անպատիժ չի մնա: Այլապես, այսօրվա իշխանություններին էլ ավելի բարդ կլինի հերքել, որ ոստիկանական ապօրինությունները կատարվում են իրենց անմիջական հրամանով», - գրել էր պատգամավորը:

Իշխանության ներքում անհանգստություններն այլեւ անցել են, ՔՊ-ում վստահ են՝ այս պահին իրենց իշխանությանը վտանգ չի սպառնում: Բանն այն է, որ վերջին օրերին անհնազանդության ակցիաների ու հանրահավաքների դադարը ուրախացրել է ՔՊ-ին: Իշխանականները հույսը դրել են այն բանի վրա, որ եթե անգամ անհնազանդության ակցիաները վերսկսվեն, դրանք այլեւ այն մեծ թափով չեն լինի, ինչ շարժման առաջին օրերին: Ներքին քննարկումներում էլ նրանց մեծ մասը կարծիք է հայտնել, որ անհանգստանալ պետք չէ. «վտանգն» այլեւ անցել է, մարդիկ էլ չեն հավաքվի: Հենց սրանով պայմանավորված էլ՝ վերջին օրերին իշխանականները կրկին ակտիվացել են ու խորհրդարանում ավելի «խրոխտ» ելույթներ են ունենում, ծաղրում Սրբազանին:



Դեռ 2023 թվականի տարեսկզբին մամուլը գրել էր՝ «Ներքին գործերի փոխնախարար Դավիթ Համբարյանը չի հայտարարագրել իր բաժնեմասը»: Հոգվածում մասնավորապես ասվում էր, որ Դավիթ Համբարյանը չի հայտարարագրել մասնավոր ընկերությունում իր ունեցած բաժնեմասը: 2018 թվականի սեպտեմբերի 18-ին Ռ. Համբարյանը Վանաձորում հիմնադրել է «Դ-Արտ» ՍՊԸ-ն, որի 50 տոկոս բաժնեմասը պատկանում է հենց իրեն: Պետեկանոնների կոմիտեի տվյալներով՝ այդ ընկերությունը զբաղվում է արագ սննդի ծառայություններով: Թեպետ ընկերության գործունեությունը ժամանակավորապես դադարեցված է, Համբարյանը պարտավոր էր իր հայտարարագրում նշել այդ բաժնեմասը: Այս հրապարակման հանգամանքները քննության էր առել նաեւ Կոռուպցիայի կանխարգելման հանձնաժողովը: Հանձնաժողովը որոշել էր իրականացնել Դավիթ Համբարյանի եւ նրա ընտանիքի անդամների կողմից ներկայացված հայտարարագրերի համալիր վերլուծություն: Եվ ահա, վերլուծության արդյունքում՝ արձանագրված պարզաբանման ենթակա հարցերի եւ անհամապատասխանությունների վերաբերյալ Հանձնաժողովը Դավիթ Համբարյանից եւ նրա կնոջից հայցել է պարզաբանումներ: Ստացված պարզաբանումների գնահատման արդյունքում Հանձնաժողովն արձանագրել է, որ իրենց իսկ կասկածներն այդ պարզաբանումներից «փարատվել» են: Այսպիսով՝ Համբարյանին թույլ են տվել հայտարարագրված տվյալներում փոփոխություն կատարել, իսկ կնոջ՝ Էմմա Խաչատրյանի մասով նախաձեռնել են վարչական իրավախախտման վերաբերյալ վարույթ:



«Ժողովուրդ» օրաթերթը անդրադարձել էր Հայաստանի պետական հետաքրքրությունների ֆոնդի (ԱՆԻՖ) հերթական ձախողված պրոյեկտ «Ֆլայ Արնա»-ին, որի 49 տոկոս բաժնետերը «Էյր Արաբիա»-ն է: Ըստ իշխանական մամուլի՝ «Ֆլայ Արնա» ավիաընկերությանը բյուջեից՝ ԱՆԻՖ-ի խողովակներով ուղղվել էին միլիարդավոր դրամներ (օրինակ՝ 28.12.2023թ. ԱՆԻՖ-ին տրամադրած 1.8 միլիարդի մի մասը եւ այլ նման երեւույթներ), ինչի արդյունքում ո՛չ գումարը կա, ո՛չ՝ ավիաընկերությունը: Բայց, քանի որ ցանկացած տնտեսական ձախողման դեպքում լինում են պարտատերեր, ապա «Ֆլայ Արնա»-ում գտնվել է «հանճարեղ» միջոց. նրա հետ «բոլոր հարցերը» հասցեագրվել են Պորտուգալիայի հյուպատոսին, որին պատկանում է «Սիդոն թրավելը»:

Հ.Գ. Նույնիսկ «չարագործ» Սաշիկի մտքով նախկինում չէր անցնի որեւէ պարտք ուրեքս անել դիվանագետների վրա:



ԶՐՈՒՅՑ

ՄՊԱՍԵԼԻՔՆԵՐԸ ԲԱՎԱԿԱՆԻՆ ՄԵԾ ԵՆ

Երեկ «Աճի Գրանդ» հյուրանոցում Բագրատ արեւոյիսկոյոս Գալստեանը հանդիպում է ունեցել Արցախի կառավարության անդամների, ԱԺ դասգամավորների եւ համայնքի ղեկավարների հետ:

Հանդիպման մի մասն անցել է դռնփակ կերպով:

«Ժողովուրդ» օրաթերթը գրուցել է Արցախի ԱԺ փոխնախագահ Գագիկ Բաղդուցի հետ: Անդրադարձել ենք սպասվող հանրահավաքին, դրանից ակնկալիքներին եւ արդի այլ հարցերի:

-Բագրատ սրբազանն ասել է, որ հնարավոր է Ոսկեպարով վերադարձ՝ Արցախ: Այս միտքը իրատեսական համարում է՞:

-Իմ երիտասարդության տարիները համընկել են Արցախյան շարժման հետ, որից հետո մի քանի տարի ծառայել եմ Արցախի բանակում, ընդհուպ՝ գունդ եմ ղեկավարել, եւ ամբողջ կյանքս համարել եմ, որ պայքարում եմ Արցախի անկախության, Արցախը հայկական պահելու համար, ինչը որջ հայության խնդիրների միայն մի մասն է: Անկախ Նրանից, թե ինչ ճակատում ենք պայքարում, մեր համար մեկ խնդիրը պիտի լինի որջ հայության հարցը՝ անկախ ճակատից: Յուրաքանչյուրը պիտի իր պատասխանատվության բաժինն ունենա հայ ազգի ճակատագրում:

-Պարոն Բաղդուց, իշխանության ներկայացուցիչները հաճախ ծաղրով են վերաբերվում այս շարժմանը: Ասում են, որ իմպիչմենտն անհնար է, եւ չեն հրաժարվելու իշխանությունից: Ասում են, որ շարժումը հնարավոր է՞ մարի:

-Ամեն մարդու, հատկապես՝ պայքարի մեջ մտած մարդու համար, դատավոր պիտի լինի իր խիղճն ու Աստված. թե ով կողքից ինչ կխոսի, էական չէ, թող ինքն իր գործով ապացուցի, որ հայաստաստ գործունեությամբ է զբաղվում:

-Բագրատ սրբազանն ասել է, որ կիրակի օրը մեծ հանրահավաք է լինելու, եւ հրապարակվելու է հստակ գործողությունների ծրագիր: Ըստ Ձեզ՝ ի՞նչ է սպասվում:

-Իրենից պիտի ճշտեք: Նախ՝ չեմ տիրապետում բոլոր մանրամասներին, եւ հետո՝



իրավասու չեմ ներկայացնել: Հնարավոր է՝ քայլեր կան, որոնց մասին այս պահին խոսելը ճիշտ չի լինի:

-Իսկ դուք ի՞նչ սպասելիքներ ունեք հանրահավաքից:

-Սպասելիքները մեծ են Հայաստանի Հանրապետության եւ Արցախի Հանրապետության անվտանգության ապահովման, հայության հավաքական՝ Արցախ վերադարձի հարցում, ինչը յուրաքանչյուր հայի պիտի մտահոգի. խնդիրներ շատ կան: Յուրաքանչյուրս պիտի ներդրում ունենա, որպեսզի հետ չմանք, քանի որ հետ մնալը անվտանգության թուլացման հիմքն է: Մենք տեսնում ենք, թե ինչպես են տնտեսության զարգացման հետ մեկտեղ բազմաթիվ երկրներ հասնում մի կետի, երբ իրենց դերակատարությունը կրկին աճում է, եւ իրենք են թելադրում: Ավանատես ենք մեր հարեան պետու-

թյան ղեկավարի՝ սպառնալիքներով լի հայտարարություններին, եւ դրա հիմքում այն է, որ մենք ազգովի վերջին 30 տարիների ընթացքում ոչինչ չարեցինք, որ մեզ հետ ուժի սպառնալիքների տեսանկյունից չխոսեն, եւ այժմ դրա դասերն ենք քաղում թեկուզ ժամանակավորապես, սակայն կորցնելով Արցախը: Համախմբման շնորհիվ պետք է հասնենք թե՛ Հայաստանի Հանրապետության, թե՛ հայկական աշխարհի ամրապնդմանը, որպեսզի մեզ հետ ուժի սպառնալիքով խոսակցություններ չվարեն:

Նշենք, որ երեկ «Տավուշը հանուն հայրենիքի» շարժման ղեկավար Բագրատ սրբազանը հանդիպել է Արցախի քաղաքական եւ պետական ղեկավարության հետ:

Զրուցեց ԱՆՆԱ ՄՐԱՊԻՈՆՅԱՆԸ



Ի՞նչ ՈՒՆԵՑՎԱԾՔ ՈՒՆԻ Հ. ԱՍԼԱՆՅԱՆԸ

«Ժողովուրդ» օրաթերթը ուսումնասիրել է ԱԺ «Քաղաքացիական պայմանագիր» խմբակցության պատգամավոր Հակոբ Ասլանյանի՝ կոռուպցիայի կանխարգելման հանձնաժողովին ներկայացրած պաշտոնատար անձի՝ 2023 թվականի գույքի, եկամուտների, ծախսերի եւ շահերի հայտարարագիրը:

Այսպիսով՝ պարզ դարձավ, որ Հակոբ Ասլանյանը Ազգային ժողովի աշխատակազմից որպես աշխատանքի վարձատրություն ստանում է տարեկան 10 մլն 751 հազար դրամ: Ասլանյանը ֆինանսական միջոցներ է ստանում 33 աշխատանքի եւ սոցիալական հարցերի նախարարությունից, որպես կենսաթոշակ, տարեկան 825 հազար դրամ. այն ամսական կազմում է գրեթե 68 հազար դրամ: Ասլանյանի կանխիկ դրամական միջոցները կազմել են 1 մլն դրամ, բանկային ավանդները՝ 1 մլն դրամ եւ 6 հազար ԱՄՆ դոլար՝ նախորդ տարվա համեմատ ավելանալով գրեթե 3 հազար ԱՄՆ դոլարով:

Ասլանյանը, համեմատած մյուս ԶՊ-ականների, համեստ կյանքով է ապրում: Պատգամավորն ունի 1 բնակարան Երեւանում՝ ձեռք բերված դեռ 1986 թվականի հուլիսի 1-ին, Նույն բնակարանի համասեփականատեր է Նաե պատգամավորի կինը՝ Ավվարո Խաչատրյանը:

Բնակարանը, որը գտնվում է Նոր Նորք վարչական շրջանում, նախորդ տարվա հայտարարագրում ձեռք էր բերվել 1987 թվականի օգոստոսի 28-ին: Սա վրիպակ է, թե սխալմունք՝ չենք կարող ասել:

Պատգամավորի ստացած վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 400 հազար դրամ:

Ասլանյանի կնոջ բանկային ավանդները կազմել են 1 մլն 200 հազար դրամ: Կանխիկ դրամական միջոցները կազմել են 500 հազար դրամ, հաշվետու տարվա եկամուտները կազմել են 612 հազար դրամ, որը կենսաթոշակ է 33 աշխատանքի եւ սոցիալական հարցերի նախարարությունից: Կնոջ բանկային ավանդները 2022 թվականից հետո ավելացել են, եւ 2023 թվականին՝ գրոյից դարձել 1 մլն 200 հազար դրամ:

Հիշեցնենք, որ ապրիլի 15-ին հանրային տրանսպորտում երիտասարդ Սամվել Վարդանյանը, տեսնելով ԱԺ ԶՊ խմբակցության պատգամավոր Հակոբ Ասլանյանին, նրան թիրախավորել էր՝ անվանելով «Ժեխ բիձա», «դավաճան»: Դեպքից հետո նրան ձերբակալեցին, իսկ քննչականից ձերբակալվածների պահման վայր տեղափոխելու ճանապարհին երիտասարդին դիմակավորված բանդան ծեծել էր, խոշտանգել, սեռական նվաստացման ենթարկել: Սկզբում Հակոբ Ասլանյանը ArmLur.am-ի հետ զրույցում նշել էր, որ Սամվել Վարդանյանի դեմ բողոք չի ներկայացնի, սակայն մեկ օր անց՝ ակնհայտ քաղաքական որոշման արդյունքում, կայացված որոշումից հետո Հակոբ Ասլանյանը հաղորդում ներկայացրեց Սամվել Վարդանյանի դեմ:

ՓԱՇԻՆՅԱՆԸ ԽԱԲԵԼ Է. ՄԱՍ 211

ՄԱՐԴԻԿ, ՄԻԵՎՆՈՒՅՆԵՆ Է, ԹԵՎԱՌՈՒԹՅԱՆ ՄԵՋ ԵՆ

Հայաստանի Հանրապետության հրադարակում 01.05.2018թ., երայթ ունենալով Նիկոլ Փաշինյանը հայտարարել է. «Հայաստանը ողբ է ջնջի իր երեսին դաջված ամենամոթալի խառանը՝ շուրջ 30 տկոսանոց աղքատությունը, որը երկար տարիներ մեր ժողովրդին գրկում է աղազայից ու հայրենիքից»:

21.11.2018թ. Նիկոլ Փաշինյանը հայտարարում էր. «Իմ խորին համոզմամբ՝ երկար տարիներ ՀՀ-ում խրախուսվել է աղքատությունը, քանի որ գործող քաղաքական համակարգին ձեռնտու է եղել, որ մարդիկ լինեն աղքատ, քանի որ աղքատ մարդկանց ընտրակաշառքով շատ ավելի հեշտ է ուղղորդել կոնկրետ ընտրության: Մենք ուզում ենք, որ ՀՀ-ում լինեն հարուստ մարդիկ»:

«Ժողովուրդ» օրաթերթը ներկայացնում է իրական պատկերը:

Աղքատության թվային պատկերը հետևյալն է՝

- 2018թ. - 23,5%
- 2019թ. - 26,4%
- 2020թ. - 27%
- 2021թ. - 24,8%



● 2022թ. - 24,8 %
2023 թվականի ցուցանիշը դեռ հրապարակված չէ:

Աղքատության մակարդակը, ըստ աղքատության վերին գծի, հետևյալն է՝

- 2019թ. - 43,8%

- 2020թ. - 47,6%
- 2021թ. - 45,7%
- 2022թ. - 41,3%

Ծայրահեղ աղքատությունը 2022թ. կազմում է 1.2 տոկոս, այնինչ Նիկոլ Փաշինյանը խոստանում էր վերացնել:

ԻՐԱՎԻՃԱԿ

ԲԱԳՐԱՏ ԱՐԲԱԶԱՆԻ ԱՆԴՐԱՂԱՐՁ

ԿԱ ԸՆԴՔԱՆՆՈՒՄ ԿՐԹԱՆՈՒՄ ԿՐՈՒՄ ԵՎ ԲԱԳՐԱՏ ԱՐԲԱԶԱՆԻ ԱՆԴՐԱՂԱՐՁ

ԱՐԶԱԳԱՆՔՆԵՐ՝ Վ. ԱԼԵԿՍԱՆՅԱՆԻ ՊԱՏԱՍԻԱՆԻՆ

Երեկ՝ մայիսի 21-ին, խորհրդարանում՝ լրագրողների հետ զրույցում, Ազգային ժողովի «Քաղաքացիական պայմանագիր» խմբակցության պատգամավոր Վահագն Ալեքսանյանը, պատասխանելով հարցին՝ ինչ կարծիք ունի խմբակցությունը Բագրատ արքեպիսկոպոս Գալստասյանի առաջնորդած՝ «Տավուշը հանուն հայրենիքի» շարժման մասին, ասաց. «Թե՛ խմբակցությունը, թե՛ քաղաքական թիմն առհասարակ, մշտապես քննարկում է ներքաղաքական, արտաքին քաղաքական իրավիճակը: Որքերտ Քոչարյանի հերթական քաղաքական պայքարը «սրբազան» կոչելն ինչքանով է օգնում այդ պայքարին. բայց եթե իմ տեսակետն էք ցանկանում լսել, խորհուրդ կտամ Քոչարյանի հերթական քաղաքական պայքարը «սրբազան» չանվանել: Դա ավելի շատ կոմիկ դաշտ է տեղափոխում այս ամենը»:

«Ժողովուրդ» օրաթերթը կապ հաստատեց շարժման աջակից, «Լուսավոր Չայաստան» կուսակցության կառավարման խորհրդի փոխնախագահ Ռավիթ Խաժակյանի հետ՝ մեկնաբանություն ստանալու նպատակով. «Իշխանականները ինչքան ասես կարող են նման հայտարարություններով հանդես գալ, իմ երեկ չէ առաջին օրը արած հայտարարությունում եմ ասել՝ եթե շարժումը տարանջատվի նախկին իշխանություններից, ապա միայն կշահի, իսկ մնացյալ բոլոր գազարխություններին, որոնք արվում են շարժման հասցեին, կարծում եմ իմաստ չունի ուշադրություն դարձնել»:

Նրա խոսքով՝ պետք է կենտրոնանալ շարժումը էլ ավելի մեծացնելու եւ հանրությունից էլ ավելի մեծ աջակցություն ստանալու վրա:

Վահագն Ալեքսանյանի՝ լրագրողներին տված նույն պատասխանին մեկ այլ արձագանք եւս հնչեց:

«Ժողովուրդ» օրաթերթը կապ հաստատեց շարժման աջակից երգիչ, երգահան, Չայաստանի Չանրապետության վաստակավոր արտիստ Ռավիթ Ամալյանի հետ՝ հասկանալու համար՝ ինչպես է նա վերաբերվում այս հայտարարությանը, վերջինս պատասխանեց. «Իսկ եթե Վահագն Ալեքսանյանը վերջում տեսնի, որ Քոչարյանը չի, ի՞նչ է ասելու: Ինձ համար քիչ է հետաքրքիր Քոչարյանը կա, թե չկա, ես գիտեմ, որ չկա, գիտեմ, որ սրբազանն է: հարցը այն է, որ մենք ունենք արդեքեզանական իշխանություն, իրենց բլոգերները ադրեքեզանական դրոշով են հանդես գալիս արդեն, Նատալի Ալեքսանյանը՝ նույն Վահագնի ազգանվանակից բլոգերը, իր հետեւի պատին Նիկոլ Փաշինյանի, Ալիւսի, իր եւ Ադրեքեզանի ու Ուկրաինայի դրոշն է փակցրել, եթե իրենք չեն թաքցնում, որ ադրեքեզանամետ են, ապա Քոչարյանը կապ ունի, թե չունի, ինձ չի հետաքրքրում. իսկ ես գիտեմ, որ չունի»:

Ինձ հետաքրքիր է, երբ սրբազանը ի վերջո հայտարարի, որ վարչապետի թեկնածուն մի մարդ է, որը որել է կապ չունի Քոչարյանի հետ, այդ ժամանակ ի՞նչ է անելու»:

Է. ՄԱՐՏԻՐՈՍՅԱՆ

Մեք այս օւրժման բուն նոյանակը իրական խաղաղութուն ունենան է՝ թե՛ մտքի, թե՛ ֆիզիկական:

Այս մասին արցախիցի պատգամավորների ու կառավարության անդամների հետ հանդիպմանը ասել է Բագրատ Արբազանը:

«Շատ ուղիղ եմ ասում՝ պատերազմը իրենք են բերել՝ իրենց ապաշնորհ լինելու պատճառով: Հիմա մենք շատ փխրուն ու անպատրաստ ենք ու ստիպված ենք լինում մեր հայրենիքը կտոր-կտոր, պատերազմի սպառնալիքի ներքո, ուղղակի գիշելու. թե հետո ինչ կլինի, դրա հետեւանքը, կարծես, ոչ մեկին չի հետաքրքրում»:

Հարցի բարոյական մասը մեզ համար կրկնակի կարեւոր է: Գործընթացը սկսել է ստով, ու սուտը սկսել է դեռ 2018 թվականից, գիտե՛ք, թե ստախոսն ով է, ստի արտաբերողն ով է: Այս ստի մշակույթը պետք է կանգնեցվի: Սա ավելի կարեւոր է, քան իրավական ու մնացած կետերը. սա ստի ու ճշմարտության պայքար է, այլընտրանք չկա. ճշմարտությունը պետք է հարթի, եթե ուզում ենք կյանքի շարունակականություն ունենալ»:

Հրապարակի վրա դրված տեսանյութը դեռես ոչ ոք չի հերքել, որովհետեւ մենք ճշմարտությամբ խոսել ենք ստի մասին: Ես ամեն օր սպասելու եմ, որ ինչ-որ մեկը հերքի, բայց չեն հերքելու. այս շարժումը հաշտության մասին է, բայց ոչ ոք չկարծի, որ այդ հաշտությունը ենթադրում է լրջոված հարաբերություններ:

Հաշտության հիմքը եթե արդարությունը կամ արդարադատությունը չէ, այդ հաշտությունը իմաստ չունի: Մեր երկիրը պետք է մեղսալիցներից, մեղավոր հա-



սարակությունից վերացվի ու դառնա արդարների հասարակություն: Զետեաբար՝ հաշտության օրակարգը չի ենթադրում չարդարադատություն», - ասաց նա:

Անդրադառնալով Արցախի հարցին՝ Արբազանն ասաց. «Մենք սխալվելու ենք այնքան ժամանակ, ինչքան Արցախի հարցը կառնանք անհամար ընդհանուր համահայկական փաթեթից: Արցախի հարցը ոչ մի բանով պակաս չէ Յեղասպանության հարցից ու ավելին՝ Յեղասպանության հետեւանքով առաջացած խնդիր է այն»:

Այն չպետք է դառնա Արցախյան պատերազմ, Արցախյան հարց, պետք է դառնա հայրենական ու տարանջատված չլինի, արցախցին ոչ մի բանով տարբեր չէ տավուշեցուց, շեշտադրումը պետք է լինի ոչ թե Արցախը, այլ հայությունը»:

Իմ պատկերացմամբ՝ Արցախյան խնդիրը պետությունից պետք է տեղափոխեն մարդուն: Արցախցիները այսօր տանն են ու այստեղ են տանտիրոջ իրավունքով, օտար ու տարբեր լինելու զգացում չպետք է մտցվի, մեր ամբողջ ջանքերը ուղղված են լինելու սրանք վերացնելուն»:
ԷՄՄԱ ՄԱՐՏԻՐՈՍՅԱՆ

ՕՐՎԱ ԽՃԱՆԿԱՐ

ՀԵՏԱՔՆՆՈՒԹՅՈՒՆԸ ԵՎ ԿՏԱՐՎԻ ՄԻՆՉԵՎ ՎԵՐՋ

Ավիաադետի հետեւանքով՝ Իրանի նախագահ Էբրահիմ Ռահիսիի, արտաքին գործերի նախարար Հոսեյն Ամիր Աբդուլ-լահիանի եւ այլ պաշտոնյաների մահվան հետաքննությունը կտարվի մինչեւ վերջ: LIVE-ի տեղում հայտարարել է Ռուսաստանում Իրանի դեսպան Քազեմ Ջալալին:

«Մեր բոլոր դեկավարներն իրենց ջանքերը կենտրոնացրել են հուղարկավորության արարողությունն իրականացնելու համար, բնականաբար մենք ավարտին կհասցնենք հետաքննությունը: Անկասկած, Իրանի Իսլամական Հանրապետությունը եւ համապատասխան նախարարություններն ու իշխանությունները հետաքննություն են սկսել, եւ, իհարկե, նրանք կունենան հստակ գեկույց, եւ այս գեկույցը կհանձնվի Գերագույն առաջնորդին, ինչպես նաեւ Իրանի ժողովրդին», - ասել է Ջալալին:

Իրանի դեսպանը նաեւ վստահեցրել է, որ Թեհրանի արտաքին քաղաքականությունը չի փոխվի: Նրա խոսքով՝ այդ ոլորտը գտնվում է Գերագույն առաջնորդի իրավասության ներքո:

Մայիսի 20-ին դեսպանը հայտարարել է, որ ոչինչ չգիտի նախագահի ուղղաթիռի դեմ «ահաբեկչական հարձակման» վարկածի մասին:

Հիշեցնենք՝ Իրանի նախագահական ուղղաթիռը մայիսի 19-ին, կոշտ վայրէջք է կատարել Իրանի Արեւելյան Ադրբեջան նահանգում, ինչի հետեւանքով ուղղաթիռի անձնակազմն ու բոլոր ու-



ղեւորները, այդ թվում՝ երկրի նախագահ Էբրահիմ Ռահիսին ու Ազ նախարար Հոսեյն Ամիր Աբդուլլահիանը զոհվել են:

ՎԱՅՐ Է ԳԻՏԼ ԼԻԱԶՈՐՈՒԹՅՈՒՆՆԵՐԸ

Փարաքար համայնքի ավագանու անդամ Էմին Երիցյանը սոցցանցի իկր էջում գրում է.

«Հարգելի բարեկամներ, Փարաքար համայնքի հարգելի բնակիչներ,

Տեղեկացնում եմ, որ դեռես մեկ շաբաթ առաջ վայր եմ դրել համայնքի ավագանու «Ռավիթ Մինասյան» խմբակցության դեկավարի լիազորություններ» միաժամանակ, դադարեցնելով խմբակցությանն իմ անդամակցությունը:

Ավագանու իմ գործունեությունը շարունակում եմ խմբակցությունից դուրս՝ գործելով անհատական պատասխանատվության տիրույթում, ավելի անկաշկանո եւ ակտիվ՝ հանուն համայնքի զարգացման:

Որակական փոփոխությունների հասնելու ջանքերը հաջողություն չեն արձանագրել, ուստի խմբակցությունից դուրս ավագանու կարգավիճակով տեսնում եմ փոփոխությունների հասնելու հնարավորություններ:

Թե՛ ավագանին, թե՛ համայնքապետարանն էապես պետք է բարելավեն իրենց աշխատանքի որակը, ինչը հնարավոր է միայն բոլոր ավագանիների, աշխատակազմի ներդաշնակ ու ներգրավված աշխատանքով, համայնքի բնակիչների ակտիվ մասնակցությամբ»:

ԲԱՅԱՅԱՅՏՈՒՄ

ՈՍՏԱՆԻ ԳՅՈՒՂՈՒՄ ԿԱՏԱՐՎԱԾ ՄՊԱՆՈՒԹՅՈՒՆԸ

Մայիսի 16-ին՝ ժամը 22:55-ին, ՆԳՆ ոստիկանության օմբրսիվ կառավարման կենտրոն «Արսաս» բժշկական կենտրոնից հաղորդում էր ստացվել, որ շատ օգնության խումբը «թոփ հրազենային վնասվածք» ախտորոշմամբ երիտասարդի է բուժօգնության ճեղափոխում:



Ժամը 23:00-ին ՆԳՆ ոստիկանության օպերատիվ կառավարման կենտրոնից Արտաշատի բաժին երկրորդ հաղորդումն է ստացվել. ՊԾ կարգախմբից հայտնում էին, որ Ոստան գյուղում հրազենային վնասվածքով տղամարդու դիակ կա:

Արտաշատի բաժնից մեկնած օպերատիվ խումբը պարզել էր, որ հրազենային վնասվածքով հիվանդանոց տեղափոխված անձը Ոստան գյուղի 24-ամյա բնակիչ է, իսկ սպանվածը Արտաշատ քաղաքի բնակիչ 27-ամյա Վահագն Վարդանյանն է: Պարզվել է նաև, որ դեպքը տեղի էր ունեցել Ոստան գյուղի գերեզմանատան հարակից տարածքում:

Արարատի մարզային քննչական վարչությունում նախաձեռնվեց քրեական վարույթ՝ քրեական օրենսգրքի հինգ հոդվածների հատկանիշներով:

Հանցագործությունը բացահայտվեց քրեական ոստիկանության գլխավոր վարչության, Արարատի մարզային վարչության, Արտաշատի, Արարատի, Տաշիրի բաժինների և Արարատի մարզային քննչական վարչության ծառայողների համատեղ ձեռնարկած անհետաձգելի օպերատիվ-հետախուզական միջոցառումների և քննչական գործողությունների արդյունքում:

Պարզվել է, որ մայիսի 16-ին Արտաշատ քաղաքի շուկայի տարածքում գտնվող հացի փռում Ոստան գյուղի բնակիչ 24-ամյա երիտասարդը բարեկերպ հարցի շուրջ վիճաբանության է բռնվել 30-ամյա համագյուղացու հետ: Հետագա պարզաբանումների համար ժամը 22:30-ին մի կողմից՝ 30-ամյա երիտասարդն իր ՎԱԶ-2106 մեքենայով, 35-ամյա հորեղբորդու հետ, մյուս կողմից՝ 24-ամյա երիտա-

կանության Արտաշատի բաժին, ապա ներկայացվել է մարզային քննչական վարչություն: Նա կալանավորվել է: Ձերբակալվել է նաև 24-ամյա երիտասարդը: Հայտնաբերվել է մարզային քննչական վարչություն են ներկայացվել նաև երկու մասնակից:

Ռեպի վայրի գնությամբ հայտնաբերվել են տրանսպորտային միջոցները, մահակ, 9 մմ տրամաչափի պարկուճ, 12 մմ տրամաչափի որսորդական հրացանի 4 պարկուճ, 12 մմ տրամաչափի 3 փամփուշտ և արևանման հետքեր: Նշանակվել են դատաբժշկական, դատաձգաբանական և դատափորձաբանական փորձաքննություններ: Զեռնարկվում են միջոցառումներ՝ հանցագործության գործիք հրազենները և 30-ամյա երիտասարդին հայտնաբերելու ուղղությամբ: Կատարվում է նախաքննություն: Հանգամանքները պարզվում են:

ՔՆՍՐ ՄՍՆՈՒԿՅԱՆ

ԼՈՒԵՐ

ԳՈՐԾԱԳՈՒԼԻՆ ՄԱՄՆԱԿԻՈՐԵՆ ԿՄԱՄՆԱԿՑԵՆ

Երեկ՝ մայիսի 21-ին, տեղի է ունեցել փաստաբանների գործադուլ՝ ի նշան փաստաբանության վերաբերող օրենսդրական խայտառակ փոփոխությունների դեմ բողոքի: «Ի թիվս այլ անընդունելի «չարեփոխումների»՝ իշխող ուժը ցանկանում է հարկ սահմանել փաստաբանների կողմից անվճար ծառայությունների մատուցման վրա: Դա լրացուցիչ խոչընդոտ կստեղծի քաղաքական ճնշումների ենթարկվող մեր հայրենակիցներին անշահախնդիր իրավական օգնության կազմակերպման համար: Ամբողջությամբ կհստիկվի թե՛ գործադուլի նպատակը և թե՛ ընտրված միջոցը՝ մենք հայտարարում ենք, որ գործադուլին միանալու ենք մասնակիորեն: Բացառություն են կազմելու քաղաքատարկայների ու քաղաքական ճնշումների ենթարկվող այլ անձանց գործերը, որոնցով մենք չենք հրաժարվելու աշխատանքից»: Նշել է «Հինգ իրավապաշտպանների» նախաձեռնությունը:

ՄԻՋՆՈՐԳԵՑ ԿԱԼԱՆՔԸ ԵՐԿԱՐԵՑՆԵԼՈՒ

Նարեկ Սամոնյանի ու Վազգեն Սաղաթյանի գործով նախնական դատարանների ընթացքում մեղադրող կողմը միջնորդեց երկու ամսով երկարաձգելու նրանց կալանքի ժամկետը:

Մեղադրողը Վազգեն Սաղաթյանի դեպքում մասնավորապես նշեց, որ բարձր է փախուստի հավանականությունը, քանի որ նա ՌԴ քաղաքացի է: Մեղադրողը նշեց, որ կալանքի իրավաչափությունը թե՛ Սամոնյանի, թե՛ Սաղաթյանի դեպքում առկա է: Պաշտպանական կողմի ներկայացուցիչ, Սամոնյանի փաստաբան Ռուբեն Մելիքյանը նշեց, որ իր պաշտպանային վերագրում են մի արարք, երբ մի քանի ամիս առաջ որեւէ մեկը չգիտեր, որ դա հանցագործություն է:

«Հիմքեր կան պնդելու, որ այն օրից, երբ մեր երկրում ապաքրեականացվեց վիրավորանքը, քաղաքական խոսք արտահայտելիս կոշտ քննադատություն իրականացնելը քրեական իրավունքի տեսակետից լիովին թույլատրելի վարքագիծ է», - ասաց Մելիքյանը: Նարեկ Մայանն ու Վազգեն Սաղաթյանը ազատ արձակվեցին:

ՀԵՏԱԽՈՒԶՎՈՂԸ ՀԱՅՏՆԱԲԵՐՎԵՑ

Ոստիկանության ճամբարակի բաժնի քրեական հետախույզները ձեռնարկված օպերատիվ-հետախուզական միջոցառումների արդյունքում մայիսի 20-ին Կոտայքի մարզի Գառնի գյուղի Մուրադյան Եղբայրների փողոցում հայտնաբերել է բաժին են տեղափոխել 42-ամյա Շուվինար Ս. -ին: Նա հետախուզվում էր ՀՀ քրեական օրենսգրքի 457-րդ հոդվածի (Փաստաթղթեր, դրոշմներ, կնիքներ, ձեռաթղթեր կեղծելը կամ կեղծ փաստաթղթեր, դրոշմներ, կնիքներ, ձեռաթղթեր իրացնելը, պատրաստելը կամ օգտագործելը) մեղադրանքով: Շուվինար Ս.-ն ներկայացվել է վարույթի իրականացնող մարմին: Խափանման միջոցը բացակայելու արգելք:

ՀԱՄԱԳՈՐԾԱԿՑՈՒԹՅՈՒՆ

ԹՄԲԱՄԻՋՈՑՆԵՐԻ ԴԵՄ ՊԱՅՔԱՐ

ՀՀ հնչյական կոմիտեի նախագահ Արգիշտի Քյարամյանն ընդունել է ԱՄՆ դեսֆառնուդարի փոխնախագահ, ԱՄՆ քննադատների դեմ դաշնային և իրավապահ հարցերով միջազգային բյուրոյի ֆառնուդարի ճեղակալ Բրենդոն Յոդերին, որին ուղեկցել են ԱՄՆ քննադատների դեմ դաշնային և իրավապահ հարցերով միջազգային բյուրոյի Հայաստանի, Վրաստանի, Մոլդովայի քիմի դեկավար Մարի Կուրթը և Հայաստանում ԱՄՆ դեսպանատան քննադատների դեմ դաշնային և իրավապահ համագործակցության (ԹԻՀ) գրասենյակի սեփական Ալեքսանդր Հաֆսվանին:

Վերապատրաստման ծրագրերը դրական մեծ ազդեցություն են ունեցել ՀՀ ԶԿ մարդկային ռեսուրսների մասնագիտական զարգացման վրա, իսկ ցուցաբերված տեխնիկական, ծրագրային, մեթոդական աջակցությունը նպաստել է քննչական մարմնի գործունեության շարունակական լավարկմանը: ԱՄՆ իրավապահ մարմինների հետ գործակցության սերտացման տեսանկյունից ընդգծելով մեկ տարվա ընթացքում ԱՄՆ արդարադատության դեպարտամենտի հետաքննությունների դաշնային բյուրոյի (ՀԴԲ) և ԱՄՆ արդարադատության դեպարտամենտի թմրամիջոցների դեմ պայքարի վարչության հետ ստորագրված համագործակցության հուշագրերի կարևոր նշանակությունը՝ Քյարամյանը վերահաստատել է համագործակցությունն ավելի խորացնելու՝ քննչական կոմիտեի պատրաստակամությունը:

ԱՄՆ պետքարտուղարի փոխտեղակալ Բրենդոն Յոդերը ես բարձր է գնահատել

փոխվստահության, համագործակցության մակարդակն ու որակը: Նա ողջունել է պրոֆեսիոնալիզմի և արդյունավետության բարձրացմանը, ներուժի արդիականացմանը և ինստիտուցիոն հզորացմանը միտված՝ ՀՀ քննչական կոմիտեում իրականացվող բարեփոխումները: Պարոն Յոդերը նաև նշել է, որ այդ ուղղություններով, ՀՀ քննչական կոմիտեի կարիքների հիման վրա, փոխգործակցության ընդլայնման նոր հնարավորություններ կան:

Հանդիպման ընթացքում քննարկվել են ՀՀ ԶԿ կարողությունների զարգացմանը, ինչպես նաև անդրազգային բնույթի առանձին հանցագործությունների, մասնավորապես՝ թմրամիջոցների ապօրինի շրջանառության, կիբերհանցագործությունների, փողերի վաճառման, և գենդերային հիմքով բռնությունների դեմ քրեաիրավական պայքարի արդյունավետության բարձրացմանն ուղղված հնարավորությունները:

● Ըստ ոստիկանության տվյալների՝ մայիսի 20-ից 21-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 101 դեպք, որոնցից 13-ը՝ նախկինում կատարված:

ՆՈՐՈՒԹՅՈՒՆՆԵՐ

ԱՋԱԿՑՈՒԹՅՈՒՆ՝ «ԲՈՒՆԵՄ» ԹԱՏՐՈՆԻՆ

«Ֆասթ բանկը», որպես սոցիալապես պատասխանատու ընկերություն...

Թատրոնի սանհանգույցների վերա- նորոգումն իրականացվել է հայկական ոճով...

«Բոնեմ» թատրոնը գործում է 2016 թվականի սեպտեմբերից Հայաստանի Գործերի միության շենքում...

Fastex-ը՝ «ԲԱՆՈՒԳՈՐԾ»-Ի ԳԼԽԱՎՈՐ ԳՈՐԾԸՆԿԵՐ

Մայիսի 16-ին ԵՊՀ-ի տարածքում տեղի է ունեցել «Բանուգործ» ԵՊՀ էքսպո-2024-ը...

«Բանուգործ» էքսպոյի շրջանակում հայաստանյան առաջատար ընկերությունները...

Fastex-ի տարավարում միջոցառման այցելուները մասնակցել են բլոկչեյնի վրա...

Fastex-ի աշխատակիցները ներկայացրել են նաև Էկոհոմակարգի հնարավորությունները...

ՀԱՅՏԱՐԱՐՈՒԹՅՈՒՆ

Ես՝ Հովհաննես Սուլայանս, Կիլիկիա թաղամասում անցյալ շաբաթ կորցրել եմ 1979 թվականին տրված թիվ 14 ուսումնարանի դիպլոմը...

ԵՐԿՐՈՐԴ ՏՐԱՆՇ

ՄՓՄՁ-ՆԵՐԻ ԶԱՐԳԱՑՄԱՆ ՀԱՄԱՐ

2024 թվականի մայիսի 16-ին Երևանում կայացած ՎՋԵԲ 33-րդ գործնական համաժողովի...

Ըսկ կնքված պայմանագրի՝ «Արդշինբանկ» վարկավորումն աջակցելու է ՄՓՄՁ-ների կողմից կատարվող ներդրումների կայուն տեխնոլոգիաների...

«Հայաստանի ամենամեծ բանկի հետ պայմանագրի կնքումը լավագույն տարբերակ է ՎՋԵԲ 33-րդ գործնական համաժողովի...



«Արդշինբանկ» վարչության նախագահ Արտակ Անանյանը շնորհակալություն հայտնեց ՎՋԵԲ-ին...

«Արդշինբանկը» Հայաստանի առաջատար բանկն է: Այն մատուցում է բազմաբնույթ ունիվերսալ բանկային ծառայություններ...

«Արդշինբանկը» Հայաստանի միակ ընկերությունն է, որն ունի աշխարհի երեք առաջատար՝ Standard & Poor's (BB- (Stable)), Moody's (Ba3 (Stable))...

ՎՋԵԲ-ը հիմնադրվել է 1991 թվականին և ունի 39 անդամ երկիր Միջին Եվրոպայից մինչև Միջին Ասիա:

Բանկի առաքելությունը հետխորհրդային ազդեցության երկրներին իրենց մասնավոր հատվածները հաստատելու աջակցությունն է:

Հայաստանը ՎՋԵԲ-ի անդամ է դարձել 1992 թվականի դեկտեմբերի 7-ին և ՎՋԵԲ-ի կապիտալում վերջինիս բաժնեմասը կազմում է 10 մլն եվրո:

ՎՋԵԲ-ի հետ համագործակցության հիմնական ոլորտներն են էներգետիկան, տրանսպորտը, ֆինանսական հատվածը:

ԿԻԲԵՐԱՆՎՏԱՆԳՈՒԹՅՈՒՆ

«ԿԱՍՊԵՐՍԿԻ» ԴԱՍԸՆԹԱՅԸ՝ ԻՆՏԵՐՊՈՒԼԻ ՀԱՄԱՐ

«Կասպերսկի» ընկերությունն Ինտերպոլի աշխատակիցների համար անցկացրել է կիբեռանվտանգության փորձագիտական առցանց թրեյնինգների ցարֆ: Բոլոր դասընթացները հեղինակել են իրենց ոլորտի որակյալ փորձագետները, այդ թվում՝ Մոնթեռալի հեռագրությունների և վերլուծության գլոբալ կենտրոնի (GREAT) և Կիբեռմիջադեպերի արձագանքման գլոբալ թիմի (Kaspersky Global Emergency Response Team – GERT) մասնագետները:

Ընկերությունը հայտնում է, որ 2023-ի սեպտեմբեր-դեկտեմբերին Ինտերպոլի աշխատակիցներն անցել են «Ռեվերս-ինժինիրինգ 101», «Թիրախավորված վնասաբեր ՇՄ-ի ռեվերս-ինժինիրինգ» և «Արձագանք Windows-ում միջադեպերին» թրեյնինգները՝ «Կասպերսկի» ընկերության և Ինտերպոլի միջև 2019-ին ստորագրված համագործակցության համաձայնագրի շրջանակում: Ուսուցումն ուղեկցվում էր GREAT-ի և GERT-ի փորձագետների հետ հարցուպատասխանի կիստերմինով: Ամբողջ դասընթացը կառուցվել է վիրտուալ լաբորատորիայում անվտանգ օնլայն տարածքում պարամունքների վրա:

«Ինտերպոլի աշխատակիցների շրջանում ամենասիրված թրեյնինգը դարձել է «Թիրախավորված վնասաբեր ՇՄ-ի ռեվերս-ինժինիրինգ»-ը: Դրա ընթացքում նրանք սովորում էին վերլուծել իրական վնասաբեր ՇՄ-ն, իրականացնել վնասաբեր փաստաթղթերի և էքսպլոյտների ռեվերս-ինժինիրինգ, ինչպես նաև ուսումնասիրել են «ռեվերս-ինժինիրինգ» գործիքների ընդլայնված հնարավորությունները:

«Ռեվերս-ինժինիրինգ 101» թրեյնինգում հիմնական ուշադրությունը դարձվել է ասեմբլերի և Go լեզուների հիմունքներին, ինչպես նաև այն բանին, թե ինչպես իրականացնել C++-ով գրված ծրագրերի «ռեվերս-ինժինիրինգ» և ինքնուրույն վերլուծել վարակի ողջ շղթան:

«Արձագանք Windows-ում միջադեպերին» թրեյնինգը նվիրված է այն բանին, թե ինչպես հայտնաբերել և արձագանքել միջադեպերին, վերլուծել վարակված սարքերը, ինչպես նաև հասկանալ գործիքների տարբեր մեթոդները, այդ թվում՝ տարբերակել APT գործիքները սպառնալիքների այլ տեսակներից:

«Կասպերսկի» ընկերության փորձագետները Ինտերպոլի իրավապահ մարմինների աշխատակիցների համար դասընթացներ են անցկացնում 2019-ից: Այս ընթացքում անցկացվել է ավելի քան տասը դասընթաց, ուսուցումը կշարունակվի 2024-ին:

«Կասպերսկի» ընկերության փորձագետական առցանց թրեյնինգները ժողովրդականություն են վայելում աշխարհի բազմաթիվ կազմակերպությունների և գիտական ինստիտուտների շրջանում: Գործարկումից ի վեր դրանք անցել են 50 երկրների ավելի քան 2 հազար մասնագետներ: Առցանց հարթակը ներառում է 10 թրեյնինգ, որոնց շրջանակում փորձագետները կիսվում են իրենց փորձով և գիտելիքներով, այդ թվում՝ ռեվերս-ինժինիրինգի, սպառնալիքների հայտնաբերման, միջադեպերին արձագանքելու առաջատար մարտավարությունների և ռազմավարությունների մասին: Թրեյնինգները բաժանված են ըստ մակարդակների՝ կախված սովորողների պատրաստվածությունից:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՏՆՏԵՍԱԿԱՆ

ՀԱՐՑ. Ի՞նչ փաստաթղթեր են անհրաժեշտ դեղի ԵԱՏՄ եւ այլ երկրներ բուսական ծագման մթերքի արտահանման համար:

Լեռնիկ Յավրյան (43 տարեկան)



ՊԱՏՄԱՆԱՆ. Եվրասիական տնտեսական միության անդամ երկրներ արտահանվող թարմ պտուղ-բանջարեղենի խմբաքանակի մաքսային ձեւակերպումների համար անհրաժեշտ է ունենալ հետեւյալ փաստաթղթերը՝

1. արտահանման հաշիվ-ապրանքագիր, պայմանագիր.
2. արտահանման հաշիվ-ապրանքագրում նշվում են ապրանքն արտահանողի եւ ստացողի (ԵԱՏՄ անդամ երկրի ռեզիդենտ իրավաբանական անձ կամ անհատ ձեռնարկատեր) անվանումները, հասցեները, ՀՎՀՀ-ն, ապրանքի նկարագիրը, քանակը, քաշը, արժեքը,
2. տրանսպորտային (փոխադրման) փաստաթղթերը - CMR
3. ապրանքների ձեռքբերման փաստաթուղթ, բացակայության դեպքում՝ փաստաթղթեր, որոնք հաստատում են ապրանքների տիրապետման, օգտագործման եւ (կամ) տնօրինման իրավունքը,
4. ՀՀ ԿԵ սննդամթերքի անվտանգության տեսչական մարմնի կողմից տրամադրվող անվտանգության կամ ֆիտոսանիտարական հավաստագիր, որը խմբաքանակի վերը նշված փաթեթավորման եւ մակնշման պահանջների ապահովման եւ կարանտին վնասակար օրգանիզմների գերծ լինելու դեպքում տրամադրվում է արագացված ընթացակարգով՝ 20 րոպեում,
5. խմբաքանակի առետրային փաստաթղթերից որեւէ մեկի վրա անհրաժեշտ է նշել Товары Евразийского экономического союза՝ հաստատված հայտարարատուի (մատակարար կամ փոխադրող) կողմից,
6. ապրանք ստացող կողմը պարտադիր պետք է լինի ԵԱՏՄ անդամ երկրի ռեզիդենտ իրավաբանական անձ կամ անհատ ձեռնարկատեր՝ համաձայն ԵԱՏՄ անդամ ներմուծող երկրի կողմից ներկայացված պահանջի:

ՀՀ Էկոնոմիկայի նախարարություն

«ԺՊՂՎՈՒՐԳ». Այլ երկրներ արտահանելիս ներմուծող երկրի պահանջի դեպքում անհրաժեշտ է ունենալ նաեւ արտադրանքի ծագման երկրի հավաստագիր, որը տրամադրվում է ՀՀ առետրաարդյունաբերական պալատի կողմից առանց փորձաքննության, դիմումի ստացման օրվանից 1-օրյա ժամկետում:

ՄՈՑԻՎԱԿԱՆ

ՀԱՐՑ. Ի՞նչպե՞ս վերադարձնել կամ վերաձեւակերպել սխալ կամ ավել վճարված գումարներ:

Նվարդ Օհանյան (56 տարեկան)



ՊԱՏՄԱՆԱՆ. Եթե ՀՀ պետական բյուջեի գանձապետական հաշիվներին սխալ վճարում եք կատարել կամ ավելին եք վճարել, գումարի վերադարձման կամ վերաձեւակերպման նպատակով կից դիմումի ձեռով կարող եք դիմել ՀՀ ֆինանսների նախարարություն: Դիմումին կից ֆիզիկական կամ իրավաբանական անձը ներկայացնում է վճարումը հաստատող փաստաթղթերի բնօրինակները, մասնավորապես՝ անդորրագիրն ու վճարման հանձնարարագիրը: Եթե վճարումը կատարված է պետական վճարումների էլեկտրոնային համակարգի միջոցով, ապա որպես վճարումը հաստատող փաստաթուղթ կարող է հանդիսանալ վճարումների պետական էլեկտրոնային համակարգի գեներացված անդորրագիրը կամ անդորրագրի 20-նիշանոց ծածկագիրը, ինչպես նաեւ վճարված գումարը վերադարձնելու հանգամանքների հիմնավորման մասին գանձող մարմնի տեղեկանքը: Եթե չգիտեք, թե որ մարմինն է գանձում կատարել, ապա անհրաժեշտ է մուտք գործել կայքի գանձապետական հաշիվներ բաժինը, գտնել համապատասխան հաշվեհամարը, որին կից նշված է նաեւ հաշիվը տնօրինող մարմնի անվանումը:

Վերադարձման դեպքում դիմումում պետք է նշել նաեւ բանկային ռեկվիզիտները, այսինքն՝ այն բանկի եւ մասնաճյուղի անունը, որտեղից դիմողը պետք է ստանա վերադարձված գումարը եւ անձնագրի տվյալները /տերիան, ում կողմից է տրված, պատճենը/: Բանկային հաշվեհամարի առկայության դեպքում անձնագրի տվյալների ներկայացումը պարտադիր չէ:

ՀՀ ֆինանսների նախարարություն

«ԺՊՂՎՈՒՐԳ». Վերաձեւակերպման դեպքում դիմումի մեջ պետք է նշել ճիշտ գանձապետական հաշվի համարը: Դիմողը 5-օրյա ժամկետում տեղեկացվում է գործարքը /գումարի վերադարձ կամ վերաձեւակերպում/ կատարված լինելու մասին:

ԼՈՒՐ ԿԱԴՐ

Լուսանկարը՝ համացանցից



Մայիսի 21-ին Վենետիկում անցկացված բիենալի ընթացքում, երբ հնչում էին Մաշտոցյան շարականները, մասնակիցները Նիկա Խտնյանի գնդաձեւ կավե քանդակների նմանությամբ շրջանաձեւ թղթերի վրա, տարբեր նյութերի օգնությամբ փորձում էին արտահայտել հնչող երաժշտությունից ստացած իրենց տպավորություններն ու զգացմունքները:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+2 + 6 +14 + 18	☀	Արարատ	+9 + 12 +22 + 24
☀	Կոտայքի լեռներ	+2 + 6 +13 + 16	☀	Արմավիր	+8 + 11 +22 + 24
☀	Կոտայքի նախալեռներ	+8 + 11 +19 + 21	☀	Վայոց ձորի լեռներ	+2 + 5 +13 + 15
☀	Գեղարքունիք	+2 + 5 +13 + 17	☀	Վայոց ձորի նախալեռներ	+9 + 11 +22 + 24
☀	Լոռի	+3 + 5 +13 + 16	☀	Սյունիքի հովիտներ	+8 + 12 +18 + 21
☀	Տավուշ	+7 + 10 +17 + 19	☀	Սյունիքի նախալեռներ	+4 + 8 +14 + 17
☀	Արագածոտնի լեռներ	+2 + 4 +12 + 14	☀	ԼՂՀ	+5 + 9 +14 + 16
☀	Արագածոտնի նախալեռներ	+7 + 11 +19 + 23	☀	Երեւան	+16 + 18 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 21.5.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: